



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Cap. II. De Sanctimonialibus.

urn:nbn:de:hbz:466:1-14298

hominis jacturam faciant; sed Mariae pietatem cum sollicitudine & officio Marthæ conjungant, & saepius ad cellæ quietem se seferant; nihil vero committant, quod vel immo-
destiam, elationem in officio, studium proprii compendii, vel simile quid, satis; quod si a Superiori animadvertisatur, ad cellæ quietem & suæ salutis curam relegentur.

*Cont. Tri-
dent. sif.
25. c. II.
de regul.*

33 Regulares, sive in ipsjs Monasteriis quibus cura animarum est annexa, sive extra illa, Parochia præficiantur, Sacraenta non ad-
ministrent, nec curam animarum quoconque modo exerceant, nisi prævio examine à Nobis aut Vicario Nostro approbati sint. In iis vero, quæ ad dictam curam & Sacramento-
rum administrationem pertinent, Iurisdictio-
ni, Visitationi, & correctioni Nostræ sint subiecti.

*Soff. 5. c.
I. de ref.*

34 Nihil hoc sæculo tam ornat religiosum, quam cum pietate conjuncta doctrina; quæ inter sectariorum versutias & obtrectationes maxime est necessaria. Itaque post ea, quæ à Concilio Tridentino de sacræ Scripturæ lectione sapientissime prescribuntur, cum stu-
dium Theologicum publicas exercitationes requirat. Nolque jam in civitate Nostra Olna-
brugenfi, cum Seminario Nostro, Theologici studii principium fecerimus: Hortamur Superiores Religiosorum, ut juniores Fratres omnes, maxime qui bona sunt indolis, ac in suis Monasteriis in literis sufficienter eruditri non possunt, vel ad civitatem Nostram Osnabru-
gensem, vel ad vicinam Monasteriensem aut Paderbornensem Vniveritatem, studiorum gratia, dimittant, & in Monasterio vel Colle-
gio aliquo collocent, ubi, cum accessione do-
ctrinæ, Monasticæ disciplinæ jacturam nullam faciant.

35 Huc etiam spectat, ut Bibliothecæ in Monasteriis instituantur, restaurentur, conser-
ventur, augeantur, & repurgentur à libris ve-
titis, maxime Hæreticorum.

36 Temporis pretium cum infinitum sit, maximeque conveniat, ut Religiosis istius certa constet ratio; cupimus omnino, ut, quod tempus à divino officio supereft, in solidis pie-
tatis exercitiis, sacris meditationibus, oratio-
nibus, lectione sacrorum Librorum, & simili-
bus sanctis exercitationibus, traducatur, ad
quod multum valerer accurata temporis &
occupationum distributio, mane facta, ac me-
ridiana vespertinaque rationis repositatio, &
observatio diligas negligientiarum & hu-
manorum lapsuum, renovatio propositorum,
ac cura diligens particularis Examinis. Hoc si
à Religiosis cum ipso tyrocinio, inchoaretur,
suavem iis vitam Religiosam redderet, magis-
que statui ac vocationi suæ facerent satis.

*Soff. 25.
de regul.*

37 Demum, ea omnia, quæ à Canonibus, Concilio Tridentino, & aliis etiam locis hujus Synodi, constituta sunt, & Regulares concer-

nunt, ea omnia Monasteriorum Superioribus & Regularibus quibuscumque commendatissima esse cupimus.

CAP. II. De Sanctimonialibus.

I **S** Anctimonialium eadem est cum Mo-
nachis obligatio, in conservandis vo-
tis substantialibus, per quæ Deo devotæ sunt
atque obstrictæ. unde ad hujusmodi obser-
vationem eas diligenter adhortamur.

*Canf. 27.
q. I. per.
tot.*

2 In primis vero, quoniam Christi sponsæ sunt, cui virginitatem suam consecrunt, omni cura illis advigilandum est, ut, sicuti virgi-
nes decet, castæ sint corpore & spiritu, fi-
dem ac integratatem suam, Deo dedicatas,
corde, ore, & opere conservent.

3 Proinde omnia hujus castitatis conser-
vandæ media & adminicula, jejunia, oratio-
nes, meditationes, silentium, solitudinem, la-
borem manuum, ac alias carnis mortificatio-
nes, ultro amplectantur, vana vero & munda-
na colloquia, præsertim cum viris, particulares
& suspectas familiaritates cum quibusdam
personis, etiam Ecclesiasticis & Religiosis, &
quæ sunt similia malorum irritamenta, omnino
fugiant.

4 Quoniam vero præcedentibus annis, quibus multa contigerunt, puritati religiosæ
vitæ aduersa, interdum etiam moniales, laxatis
libertatis habenis, & virginali verecundia se-
posita, licentius Monasteriis egressæ, & ad con-
vivia, nuptias, primitias, dedications, visita-
tiones parentum & amicorum, processisse di-
cuntur; hujusmodi similes omnes abusus hac
Nostra constitutione abominamur, & subla-
tos esse volumus; graviter tam in contrafa-
cientes, quam earum Superiores, si quid ab
ipsis, remissione, negligentia aut indulgentia,
peccatum fuerit, animadverseri.

5 Carentiam proprii, usque ad paupertatis
fastigium sanctimoniales ament & colant; d.e. cum
nulla sibi proprium aliquid dicat aut servet,
sed omnia in Præfectæ potestate constituta
sint.

*ad Monas-
ticum.
Cont. Tri-
dent. sif.
25. c. 2.
de regul.*

6 Quicquid Monialis hæreditate, dona-
tione, vel alia quavis justa causa acquirit, id
omne in communem Monasterii usum redi-
gatur; nihilque muneris aut donarii sive à Cleri-
cis sive à Secularibus capiat, nihil vicefim
det, etiam devotionis aut religionis causa, sine
Præfectæ præscitu & consensu.

7 Censu vitales, ancillas, catellos, galli-
nas, columbas, aves, aut similia, nulla monia-
lis habeat, sub poena proprietatis.

8 Ad faciliorem fuavioremque paupertatis,
seu carentiae proprii, tolerantiam, curetur, ut
exquisita illa & religiosæ vitæ communis ra-
tio & usus in Monasteriis studiosè introduca-
tur & conservetur, quoad cibum, potum, ve-
stimentum, ceteraque necessaria; ne sub præ-
textu

d. eff. 25. c. 3. de regul. textu necessitatis, sancta paupertas violetur, ideoque nec plures moniales assumantur, quam ex redditibus Monasterii ali possint.

d. eff. 25. c. I. 9. Vestitus sit simplex, & Ordini conveniens; nihil quod mundi superfluitatem aut vanitatem sappiat. Si quid ex praecedentibus annis curiosae vanitatis & deformationis in vestitu religioso relicum sit, id, cura Superiorum Visitatorum ac Commisariorum, tollatur, sub poena Nobis arbitraria, si hic indiligenzia aut dissimulatio appareat.

10 Ut etiam omnis proprietatis occasio in hoc genere tollatur, Praefecta ac Confessarii monialibus persuadeant, ut vestes omnes lanæ, lineaæ, pelliceæ, aut cuiuscunq; generis in uno loco asserventur, duoque ex monialibus deputentur, quæ purgandis, excutiendis, farciendisq; vestibus sint constitutæ; quæ etiam fororibus in singulas septimanæ, & prout usus postulabit, eas distribuant: nulla vero monialis vestes apud se habeat, præter eas quæ ad usum præsentem sunt necessariae. In hunc autem usum in quolibet Monasterio locus communis vestium constituatur.

11 Moniales nihil clavibus obseratum, in scrinis, cistis, aut alibi habeant; si quid tale fuerit, à Praefecta illico auferatur; quæ etiam, una cum discretis seu Senioribus Consilio sororibus, singulis annis bis aut ter singularum monialium supellestilem diligenter inquirat ac scruteretur, ne illa quicquam proprii habeat, aut amplius quam ad usum ei fuerit concessum.

c. pernicio- farn. 18. g. 2. 12. Cibum omnes simul capiant in uno refectorio; ad campanæ sonum omnes conveniant ad benedictionem mensæ; deinde ordine discubentes, non prius discendant quam Deo gratia actæ fuerint. ad mensam quotidie spiritualis aliquis liber legatur, qui ad pietatem accendat, omnibus cum silentio & attentione audiентibus, ut una cum corpore mens reficiatur.

d. c. perni- ciosum. 13. Dormitorium idem omnibus sit; singulae in singulis lectis separatim dormiant & in singulis cellis, si tanta sit cellarum copia, ut omnes capere possint. Cellæ vero, vel apertæ sint, vel ita clausæ ut tamen communæ clave à Praefecta referari possint. Dormitorium vero noctu sit clausum, clave poenes Praefectam existente.

d. c. cum ad Mona- stero. 14. Communis ille curationis ægrotantium locus, quem Infirmary vocant, ubi adhuc ædificatus non est, quam citissime constituantur; extra ejus loci fines moniales ægrotantes non cubent; charitas erga valetudine afflictas cum primis exerceatur, & convenientes cibi, medicamenta aliqua necessaria, secundum Monasterii facultates suppeditentur.

d. c. cum ad Mon- aster. 15. Praefecta Monasterii, moniales omnes reverentiam & obedientiam præfent, quemadmodum earum promissio postulat. Quæ ve-

ro ejus iussa neglexerit, aut superbe ac contumeliose responderit, aut penitentiam sibi injunctam præstare noluerit, aut Praefectam, tergiversando, excusando, defendendo impediterit, quo minus illas, quæ aliquid commiterint, reprehendat aut castiget; pro modo delicti & inobedientiae gravius puniantur, humili prostratione, veli privatione, flagellatione, cibi subtraktione, caceris inclusione, & similibus religiosis castigationis modis.

16 Cum sanctimoniales eo fine è terra & cognatione egressæ sint, ut peculiari modo Deo serviant, eundemque sacrificio laudis honorent, ac pro populi peccatis deprecentur: hinc valde convenit, ut in ipsius laudibus & honore assidue sint, diu noctuque Chorum frequentent, preces suas horarias ac sacra officia, ex communis Ecclesie & Ordinis instituto, corde & ore perficiant; quibus omnes sine exceptione interesse studebunt, nisi quas officii ratio, & justi impedimenti excusatio, Praefectæ judicio exemerit.

17 Singulæ autem in ipso statim initio divinorum officiorum adsint, in congruenti suo habitu propriisque locis, & usque in finem perseverent, nisi, iusta aliqua necessitate exigente, Praefecta, vel quæ ejus vicem gerit, discessus veniam dederit.

18 Cantum Ordini ac tempori convenientem adhibebunt, cum tractu & debita moderatione, ut voci mens concordet, & divina maiestas digne laudetur.

19 Et, quoniam sacra meditatio plurimum mentem afficit, ac in Deum convertit, piisque in hac vita magnum adfert solatium & frumentum; ideo conandum est, ut sacrarum meditationum usus in Monasterio introducatur, &c, præter horas Canonicas aliaq; divina officia, tempus aliquod commodum deputetur, quo in unum quotidie in choro universæ convenientes, saltem per horam mentali orationi vident, semihora scilicet post Matutinum & Completorium. Poterunt vero hujusmodi sacris meditationibus servire mysteria vita & Passus Christi & Redemptionis nostræ, consideratio beneficiorum Dei, generalium & particularium, quatuor novissimorum, status & vocationis, & vitæ Sanctorum, &c. aliaque hujusmodi, quæ ad Dei gloriam, propriam proximorumque salutem pertineant.

20 Ad promovandam in monialibus pietatem, conservandamque corporis & animæ puritatem, plurimum confert divinorum Sacramentorum, Poenitentiae & Eucharistiae, frequentatio. Quamobrem monimus diligenter moniales omnes, ut secundum Concilii Tridentini constitutionem, semel saltem singulis mensibus, nec non celebrioribus Christi Domini & Deiparae Virg. festivitatibus, aliisque ab Ordine & Constitutionibus præscriptis diebus, peccatorum Confessionem faciant,

facit &
nunquam.
de conser.
d. 5.
c. qua
tua. 12.
q. I.

Cont. Tri-
dent. eff.
25. c. 10.
de regula.
d. Clem.
ne in
agro.

SYNODVS MAIOR

54 faciant, & sacrosanctam Eucharistiam fusciant, ut eo se salutari præsidio munitant, ad omnes oppugnationes dæmonis fortiter superandas.

*d. eff. t.
10.*
21 Ut autem afflictis quarundam conscientiis consulatur, præter ordinarium Confessorem, alius extraordinarius Confessorius illudem, bis aut ter in anno, à Nobis approbatus, offeratur.

*Seff. 25.
de regul.
c. 7.*
22 Quæ de Abbatisæ, Priorisæ, Magistræ aut Præfectæ, quocunque nomine appelletur, electione, ut scilicet ætatis ac Professio-nis annos habeat, à Concilio Tridentino designatos, ac cæteras qualitates requisitas; quantum fieri potest, omni modo observari volumus.

d. eff. 6.
23 Hæc non ambitu, conspiratione, collusione, aut alio modo, constituantur, sed collectis singularum, Dei gloriam & communem Monasterii utilitatem præ oculis habentium, secretis votis eligatur, quæ, omni finistro affectu remoto, ad id magis digna & idonea judicata fuerit.

24 Præfecta Monasterii, tanquam communis omnium Monialium Mater, ea fibi omnia quam diligentissime commendata habeat, quæ ad ipsarum corporis & animæ salutem spectant. Cum primis vero eas admoneat, ut puræ sint corde & corpore, perfectionem sequentur, pacem & tranquillitatem conservent; fudeat etiam, ut singula suo recte fungantur officio, & ut obedire libenter discant, refractarias vero & contumaces, secundum constitutiones Ordinis, & iis modis quibus supra indicatum est, aliisque, coercent.

25 Capitulum culparum singulis septimannis habeat, in coquæ graviter & sine contentione corrigit ea, quæ unaqueque monialis in sui officiis munere neglexerit; quorum veniam ipse sponte ac humiliter coram omnibus petant; curetque Præfecta, ut Pœnitentiæ ac mortificationes adhibeantur, quæ ex instituto ipsarum tradita sunt, ad profectum, in humilitate ac sui contemptu, obedientia, aliisque virtutibus religiosis, faciendum.

26 Religioli etiam silentii singularem curam habeat, ne superflui vanisque colloquiis a monialibus tempus infumatur, neve quipiam extraneus ad colloquendum facile cum monialibus admittatur, aut Monasterium absurdis & inanibus rumoribus compleatur.

27 Volumus vero, ut silentii observatio diebus sacris diligenter custodiatur. idcirco, quibus diebus sacra Eucharistia sumitur, item festis diebus, tempore Adventus & Quadragesimæ, & in Vigiliis Sanctorum, & sub divino officio, moniales cum extraneis ne loquantur, magna necessitatibus cauſa excepta.

28 In negotiis gravioribus, Præfecta nihil decernat, nisi scientibus & consentientibus majori ex parte Senioribus Confiliis Sorori-

bus. Quæ vero majoris sunt momenti, ad consultationem totius Capituli referantur; idque ratum sit, quod majori & seniori monialium parti placuerit.

29 In quibus Monasteriis sanctimonialium, labor manuum in communi officina jam in usu est, diligenter conservetur; in aliis locus aliquis singularis deputetur, in quo operibus e-laborandis moniales diligenter exerceantur; fitque una laboris magistra, quæ illa, que elaboranda sunt, recipiat, distribuat, laborum vero pretia ac mercedes Præfecta accipiat, nec quipiam alia in hujusmodi curam sepe in-gerat.

30 Novitarum quoque curam una sola magistra, ad hoc constituta, in loco, si fieri posset, separato habeat; quæ Novitias in timore & cultu Dei & observatione Ordinis erudit, easque assiduis monitionibus, vitaque exemplo, ad religiosæ vitæ disciplinam & perfectio-nem formet, ut, Deo adjutore, perfectæ ipsius ancillæ possint evadere.

31 In Novitiatum nulla recipiatur sine habitu regulari; ad habitum nulla nisi duodecim annis major; ad professionem vero non nisi post annum 16 ætatis & integrum probatio-nis completum, &c, postquam Nos vel Vi-carius Noster, aut aliquis ad id à Nobis deputatus, Virginis voluntatem diligenter de liber-tate professionis exploraverit. teneaturque Præfecta, instante professionis tempore, Nos aut Nostrum Vicarium, mensæ ante, de futura professione certiorum reddere.

32 Puella, postquam semel Novitarum habitum induerit, Monasterio exire non possit; nisi forsitan, nondum professam, pœniteret Mo-nasterium introisse. Si vero semel exierit, nulla in posterum redeundi facultas facile concedatur.

33 In receptionibus puellarum ab illicitis pactionibus & contractibus abstineatur; nec ante Professionem quicquam Monasterio de-tur, præter id, quod ad vietum & vestitum e-jus, quoad in novitatu fuerit, necessarium est.

34 Inclusionem monialium, tanquam, hoc seculo nequam, præcipuum conservandæ pudicitiae & integratatis virginalis medium, maxi-mopere Concilium Tridentinum, ac Summi Pontifices, Ordinariis locorum, etiam sub ob-testatione divini judicii, & interminatione maledictionis æternæ, commendatam esse voluerunt; illamque rem tot constitutionibus & rescriptis stabilierunt, ut moniales merito agnoscere debeant, nullam nimiam diligentiam videri posse ad ejus thesauri custodium, cuius causa ipsa mundo, parentibus, omnique rei ac spei in hoc seculo, valedixerunt, ac mona-steriis sepe incluserunt. Placet autem, ad evi-dentiorem intellectum, ipsam Concilii sanctionem hic subjugere.

*Bonifacii Ostavi constitutionem, quæ incipit,
Petrus*

*d. Clem.
ne in
agro.*

*d. eff. 25.
c. 15. de
regul.*

*Seff. 25. c.
5. de regu-
l.*

Periculoso, renovans sancta Synodus, universis Episcopis, sub obtestatione divini iudicii, & intermissione maledictionis eternae, precipit, ut in omnibus Monasteriis sibi subjectis, ordinaria, in aliis vero, Sedis Apostolicae autoritate, clausuram Sanctionalium, ubi violata fuerit, diligenter restituiri, & ubi inviolata est conservari maxime procent, inobedientes atque contradicentes, per Censuras Ecclesiasticas aliasque poenam, quacunque appellatio ne postposita, competentes; invocata etiam ad hoc, si opus fuerit, auxilio Brachii secularis. Quod auxilium ut praebatur, omnes Christianos Principes hortatur sancta Synodus, & sub Excommunicationis poena, ipso facto incurrienda, omnibus Magistris secularibus injungit. Nemini autem Sanctionalium licet post professionem exire e Monasterio, etiam ad breve tempus, quocunque pretextu, nisi ex aliqua legitima causa, ab Episcopo approbanda, indulis quibuscumque & privilegiis non obstantibus. Ingredi autem intra septa Monasterii nemini licet, cuiuscumque generis aut conditionis, sexus vel aetas fuerit, sine Episcopi vel Superioris licentia, in scriptis obtenta; sub excommunicationis poena, ipso facto incurrienda. Dare autem tantum Episcopi vel Superioris licentiam debet in casibus necessariis, neque alius ullo modo possit, etiam vigore cuiuscumque facultatis vel indulti, hactenus concessi, vel in posterum concedendi.

35 Memores itaque salutis nostrae, cunctesque a Nobis avertere divinae ultionis vindictam, precipimus in virtute sanctae obedientiae omnibus Sanctionalium Monasteriorum Superioribus, Commissariis, ac Visitatoribus, ut Monasteria omnia monialium, sibi subjecta, ad debitam clausuram & communem vitam rationem, relegata omni proprietatis specie, quamprimum redigant.

36 Et, quamvis in Dicceensi nostra Monasteria Sanctionalium omnia extra civitates & oppida, ruri & apertis fere locis sita sint, eam tamen rationem initri volumus in constitutendis Ianuis, Fenestris, Rotis, Cancellis, ingressu Monasterii, & in omni forma aedificiorum, ut omnia ad accuratam formam inclusionis seu clausuræ debitæ quam proxime accendant.

37 Ianuae septorum Monasterii diu nocturne sint clausæ, duabus seris; quarum altera intus, altera foris claudatur, ac unam clavem habeat Praefecta, seu ex ejus commissione Ianitrix Senior, alteram Pater seu Confessorius, non aperiantur vero januae nisi ex causis necessariis; & tunc moniales non audeant eo accedere, ut externum quidquam aspiciant, vel cum mare aut foemina colloquuntur.

38 Extra casus necessarios & in jure expressos, non admittantur mares & foeminae cùjusvis generis intra septa Monasterii, etiam Sanctionalibus inserviant, nec finantur ibidem

pernoctare, sub poena Excommunicationis; quibus aliæ poenæ arbitriae addentur.

39 Animadvertisimus quoque, puellas seculares interdum, educationis aliave causa in clausuris Monasteriorum commorari, quæ res cùm aliquanto periculo non caret, volumus, ut posthac nullæ hujusmodi puellæ in Monasteria recipientur, sine expressa Nostra licentia, in scripto concessa, ac Superioris regularis, si ei subjectum fuerit Monasterium.

40 Hujusmodi vero puellæ habitu incendant modesto, nigri coloris, vel fusco, non variis coloris, aut qui nimiam mundi vanitatem sapiat; & advertatur, ne moribus aut verbis moniales offendant.

41 Quod de Hospitalitate religiosorum statutum est cap. præcedente, hoc in monialibus multo magis obseretur; caveaturque, ne sub specie familiaritatis, visitationis, & amicitiae, hospites alii facile excipiantur quam qui necessarii sunt.

In ceteris, omnia constitutionibus Ordinum & SS. Concilii Tridentini Decretis relinquuntur; eaque studiosè servanda Sanctionalibus ac earum Praefectis & Superioribus serio commendantur.

C A P. III. De Sanctionalium Superioribus, Visitatoribus ac Confessariis.

1 **N**ihil æque conservat religiosum statum, & in eo viventes Deo confratras personas, quam frequens Superiorum inspeccio & visitatio; qua, præsertim teneras virginem, eò magis in ordine atque officio continet, quo illæ ob sexus fragilitatem ampliori cura ac vigilantia suorum Superiorum indigent.

2 Superiores itaque Monialium (quos certe cupimus viros graves, prudentes, Constitutionum Ordinis ac status Monasterii intelligentes, zelo ac rerum spiritualium scientia præditos,) Sanctionales, cure suæ commissarías, temporibus à Regula vel Constitutionibus definitis, serio ac follicite visitent, ac, quæ corrigenda ac reformanda sunt, in meliorem statum reponant, dictumque sibi ab Apostolo existimat: Rogamus autem vos Fratres, corripere inquietos, consolamini pusillanimes, patientes estote ad omnes.

3 Visitations suas prudenter instituant, & antè ipsam posterioris visitationis chartam perlustrant, defectus examinent qui emendandi præscripti fuerint; & an emendatio debita subsæcuta sit, diligenter perquirant.

4 In ipsa autem Visitatione hunc modum tenent, ut seorsim singulas de votis substantialibus, de Regula & Constitutionibus, & an illa bene observentur, conceptis secundum morem Ordinis aut præsentem necessariis.

E 4 tatem

*Conc. Trident. de regula
25. c. 9.
v. 14.*

*I Thess. 5.
v. 14.*